

僊居縣志卷之十

名宦列傳

自有邑後宦茲者多矣當時則榮沒則已焉獨家觀其國子視其民者至今猶嘖嘖人口不幾與山川同悠久耶太史公曰燕召公之德深矣哉甘棠尚不忍伐况其人乎聊取其績而志之亦甘棠遺愛意也

晉

羊忻永和三年初置樂安公以廢補邑令甫至以縣治地偏非一邑正氣乃遷于青圭前功成而民不勞其治邑也以風流儒雅相尙而事無廢弛民戴之如慈父母焉弟愔爲峽江尉暮省兄而朝還得道于括蒼史稱公起家輔國叅軍嘗詣領軍劉琨琨拂席改衣晉接之其見重于時如此

宋

陳襄字述古閩之侯官人深契孔孟之學與陳烈周希孟鄭穆唱道于東南鄉人化之號四先生慶曆中登進士釋褐任僊令以德化民無事鞭箠邑閭閻若太古有老吏金彬者歸耕數月而後出然神明內蘊案無留牘當其時邑文教正興公更加設舞闕黌宮創社學爲勸學文月朔命門人管師

僊居縣志

卷之十

名宦



讀以聳父老聽自是人材益輩出擢侍御史薦司馬光呂公著等于朝力詆王安石青苗諸法出知陳州終樞密直學士爲有宋名臣學者稱爲古靈先生云

劉光以文林郎知縣事政務簡惠黎民懷之後遷本郡守人多焚香載道迎墨吏望風解綬去及代男女巷哭閉城使不得出

郭三益政尙寬和而濟之以威嚴民懷且畏與劉光齊名至今稱賢令者必曰劉郭如漢之名杜云趙善悲字民如子歲大稔以俸金買穀賑給有不

德居縣志

卷之十

名宦

二

及者親詣窮壤畀焉至今尸祝之章敏子精敏絕倫泮剔夙弊吏不敢欺尤作興學校後令夏嘉一遵敏子所爲治者並著聲稱號爲章夏

崔縱爲丞未幾進承務郎時徽欽北去前後通問罕有返者衆憚于行公毅然請往不屈死之

徐默成博學善屬文尤喜談兵爲尉朞月值呂寇之亂奮不顧身率勇敢與巡檢鄒進合力堵禦戰不利忽爲所乘俱罵賊而死其子貧不自給于城

南家焉



趙敏中明而能斷人皆服之凡利所當興者無不竭力為必得實效後止不尚粉飾蓋有古循吏風云

明

張約山東曹縣人太學生居官精勤始終著清節  
慈祥不苛民甚德之

曹廷桂常州武進人領鄉薦性廉潔尤長於斷為  
令七年案無留牘有便民者暮計朝行綽有成績  
明初循吏推公為首

僊居縣志

卷之十

名宦

三

馬濂常州無錫人以進士授邑令為政尚大體不  
事束濕存靖難忠臣鄭公恕後而復其產嘉靖壬  
子倭寇焚黃巖猝及仙公率民兵與郡守宋公治  
邀倍之賊越嶺逸尤著清節去之日父老歌曰民  
送兩行淚官行一擔書後祀公于學宮前之右崇  
禎甲申殉變忠臣馬世奇即其孫也

余城江西鄱陽人先是邑遭倭變又經城役郡司  
李蕭文清繼毛公德京督責過嚴民財力俱罄未  
幾蕭報陞益加恣肆李公一澣謂之曰君行有日  
矣予餒于東可乎蕭遂歛跡去余備悉從來之苦



竭力撫循流氓始集乃以有邑識者嘆曰天生余公爲我僊也尤不阿權貴務絕請託竟以中傷飄然而去于時有張元卿者以簿攝事治倣余公其峻節尤著云

趙善政陝之涇縣人以進士授令性不羈喜與文士游到處多題咏行政不爲一時計議更雜派爲條鞭民至今稱便後調繁東陽尤有循聲

周喬登廣東南海人以進士爲令平易近民蒲鞭不施釜甑往往塵生每大風雨則高歌一室泊如也有寒士風布衣蔬食以終其身云

僊居縣志

卷之十

名宦

四

湯聘尹江南長洲人進士授給事中以註誤出爲令爲治務節冗費并里甲濬水利改舖舍有利于民者圖之惟恐不及民甚戴之後仍召入諫垣

王明齋閩之晉江人與古靈先生同鄉初至謁祠慨然有羨墻之慕冰蘂茹飲不爲一錢污時有簿曾學周江右之南豐人殫心輔政以廉能稱公修學宮曾採取山木不避艱險又建白營平政橋相得有成號爲一時之盛云

汪夢說繼王公明齋後治民與王相上下時有間架之稅公以民貧甚毋苦父老爲強項不奉法郡



守強之不能得民賴以安

陳起龍閩之海澄人居官簡朴凡訟者以善語解之民愧悔乃罷日與文士登山涉水飲酒賦詩忘其身之爲民上也去之日囊橐蕭然

吳正大徽州休寧人由異途爲邑叅剛介自持不媚權貴以湯令入覲攝縣事其併課清丁二事尤爲法良意美吳左都子任犯殺人律必欲得其人以置諸法有李鷹破柱風時稱天下清官第二後以中傷去民競惜之

唐伯逸南昌人由太學生爲尉嘗謂取民財如割

僊居縣志

卷之十 名宦

五

鷺鷥股上肉一塵不滓稱尉之清者必以唐爲第一云

葛延方人物雄偉禁絕紙價不取民一錢一都安仁有盜劫剽出沒無常公不介馬而馳之盜胆落而潰民賴以安

王叔英字原采黃巖人領鄉薦爲訓導以忠孝節義勗諸士士多所成立歷官翰林修撰靖難師迫詔公募兵聞金川門失守遂投繯于廣德州

吳泰閩之延平人領鄉薦爲學諭喜作人于寒士尤加意焉歲暮輒手俸金俟有至者與之日稍助



旦暮費受者多感泣後有陳學禮亦閩人由明經  
以身訓士人嚮慕之于其去也立石以誌不朽

論曰傳者以其人可傳而傳之也亦以其人有  
可傳之事而傳之也若人可傳事無從考核則  
柰之何仙幾遭兵火典籍無存卽如袁子雄之  
名得于智顛之傳幸少府之任見于張藉之詩  
舊集不載其他之散失可知也名宦一傳若陳  
公輩輩固灼灼矣他若令如倪偉郁尙寅劉志  
芳李經周瑞祝一經丘柵黃議羅文煒金陵漢  
王寵麟丞如黃勉陳理簿如趙監張佑謙尉若  
而傳之不可得不能強爲之附姑存其名以志  
景行之私而已余愴然者久之

又曰長吏親民之官也民之飽暖饑寒歡愉哀  
楚天子上官莫能聞知卽知之亦莫遽如之何  
也口歷歷于長吏之目而輓轡于其掌上蓋呼  
吸通也漢世祖曰郎官上應列宿苟非其人民  
受其殃洵知言云帖堂叅尉權雖不專其親民  
一也學博士則尤風化之原矣余旣約畧傳其



賢且惠者間有貨賄以求滌刑以逞輩姑闕其  
文亦春秋諱意然小民何知撫我則恩虐我則  
怨恩難泯而怨更未易忘每見父老歲時伏臘  
輒舉舊官姓名告子弟曰某也慈某也厲某也  
介某也污有譽不容口式歌且舞者有裂毗痛  
恨者千百載後如其身受則直道之遺口碑所  
勒更有炳于傳者雖欲爲之諱罔裨焉嗚呼威  
福遲于一時穢聲及于百世可不慎歟